

LOCAL

Mas informe riba tarifa di bandanan cu ta duna Bon Dia razon

ORANJESTAD - Un reaccion ricibí for di Alvin Koolman, presidente di Coastal Club Aruba, ta muestra cu e publicacion di Bon Dia Aruba, encuan to prijsnan di banda, cada biaha ta haya mas forza. Den e declaracion ricibí for di Koolman, e ta duna detaye di tur e ofertanan ricibí e aña aki y tambe algun di aña pasá.

E ta splica cu Coastal Club Aruba ta participando pa di cuatro biaha den carnaval di Aruba y su meta principal ta pa aportá na engrandecé nos carnaval. E aña aki a scohe "Fantasía di Mundo di Flor y Insecto" como tema principal. Tambe nan ta participa den eleccion di Reina di Carnaval. Nan tin "Energy Lane Festival", un fiesta público e Diabierna di "Jouvert Morning" y tambe nan ta sponsor diferente Reina di distrito tanto infantil, hubenil como grandi. Nan a sponsor t-shirt pa tum-

beronan y calypsonian.

Pa esaki ta posibel y pa pone un grupo di 220 hende como floormembers y 15 road- y body-pieces, dos banda, e presupuesto total pa 1993 a yega na Afl. 317.000,-.

Esaki no ta inclui e decoracionnan necesario cu e road- y bodypiecenan mester, cu ta na encargo di e participantenan, kendenan riba nan mes ta invirtiendo 2000 florin (body piece) te cu 10 mil florin (roadpiece).

Pa haya e acogida necesario ora bo grupo bai den carnaval, pa asina atraé e participantenan pa bô grupo, e promé pregunta cu nan ta haci ta: "Cual ta bo banda" y despues nan ta interesá pa sa bo diseño y despues bo prijs pa participante. Como cu Coastal Aruba Refinery ta sponsor un cierto cantidad di suma só, e club por ofrecé e floormember e prijs di 425 pa participá den e dos paradanan. Esaki ta inclui e costum cosí, un fiesta

despues di e week-end di carnaval, bebida y cuminda, etc. Ademas e persona cu ta participá cu un road- of bodypiece ta haya e "framework" completamente clá (furá) y nan ta paga solamente 250 florin pa persona, pasobra nan tin cu invertí basta den carnaval.

Negociacionnan cu banda

Koolman ta sigui splica cu ora nan a cuminsá cu e preparacionnan, basá riba peticion di e miembronan, a asercá e grupo "Quasi" pa bira un di nos bandanan. Como cu e club ta organizá diferente actividad, Quasi a duna nan un oferta cu ta un package deal, inclui tocá pa eleccion di Reina di Coastal; tocá pa fiesta pa recaudá fondo, "Energy Lane Festival", Parada di San Nicolas y di Playa y un fiesta pa participantenan. E package deal aki ta costa 31 mil florin. E

parada di Playa y San Nicolas só lo a costa 21 mil florin. E suma aki no ta inclui trailer, trekker, chofer, y otro requisitonan. Como un banda principal, ta invertí hopi mas den nan, pa asina complacé cu su miembronan. Esaki no ta nada straño, ya cu pa dos aña siguf tabatin un arreglo similar cu "PRIDE", cu aña pasá a costa nan 43 mil florin pero cu tabata inclui parada di mucha na San Nicolas y Playa.

Banda cu a wordo asercá pa bira e di dos banda ta "PRIDE"; "Solo Banda Show"; "Claudius Phillips", kendenan a pidi respectivamente 33 mil y 35.700 florin, y 39 mil pa un package deal. "Dushi Band" a asercá e club y a pidi 14 mil pa dos parada. Esaki ta excluf e "sound system" cu ta 10 mil florin y cu ta yega na un total di 24 mil florin. Excluyendo Claudius Phillips cu ta bini cu su mesun trailer y generator, tur otro banda ta exigí un trailer for di promé cu carnaval di mucha na San Nicolas, un trekker y un generator. Papito y su Doble Sabor no a wordo asercá pasobra pa dos aña consecutivo su oferta ta 3 pa 4 mil florin mas halto cu e otro nan.

Basá riba ponencia di e miembronan, Coastal Club Aruba a asercá e grupo "Control" di Sint Maarten cu

a crea un imágen negativo. "Si nos mira e situacion for di diferente ángulo, e ta muestra mas un excuus pa demostrá cierto frustracion cu tabata creciendo poco poco den e último añanan. Si nos evaluá e discursionan di Diamars último, e problema mas den un clash entre ASOMA y SAC, cu e trece-mento di e bandanan di afó. Pero analizando nos por concluf den orden di importancia: 1) e problema cu bandanan local no a haya tocá ta pa motibo cu algun grupo grandi no a participá e aña aki. Esey ta e resultado di surplus di banda; 2) e participantenan den grupo ta duna indicacion cual banda pa bai cuné. Semper banda local carnavalesco ta favorito. 3) Nos presupuesto e aña aki no ta duna pa tin dos banda local grandi. 4) Durante e temporada di carnaval hopi mas banda ta bini riba mercado cu durante aña no tey," asina Koolman a bisa.

Terminando e ta bisa cu semper nan lo sigui promové carnaval den tur ramo, pero Aruba su carnaval mester di un empuhe pa mihor. Si analizá henter e situacion y e organizacion cu ta kere cu ta promové nos carnaval, e único cu berdaderamente ta hacié, no ta organizá y esey ta e gruponan mes. □